

# LE REVEIL

DE

MAISTRE GVILLAVME

AVX

Bruits de ce Temps.

*Pour pânoter le soucy.*

*Faut lire ce livre icy.*

1614

**Aux Lecteurs desgoustez**

*Si l'on voit la Rime estre chiche,  
Et la Prose n'estre bien riche,  
Nul ne les veut voir, n'escouter:  
Il faut donc ; ainsi qu'il me semble,  
Donner & l'un & l'autre ensemble,  
Afin de chacun contenter.*

**La cause du réueil de Maistre Guillaume.**

*Les Sçauans ne Satyrent plus  
Quand à present : donc au surplus  
Il ne faut pas qu'on s'esmerueille  
Si l'on voit apres plusieurs ans,  
Que Maistre Guillaume en ce temps  
Au lieu d'eux sa plume resueille.*

**(Plus Gaillard que Saturnite.)**

# LE RESVEIL DE maistre Guillaume

**H** Olà ho ! qui est la mes gents , mon monde,  
debout, suspied, qu'on se leue de la lumiere  
de la chandelle ou quelque lampe bachique,  
pour esclairer la chambre de mon entendement:  
parlez à moy soudainement , & me respondes  
pertinemment ? que faict on ? que dict on ? quel  
bruidt , & nouueau cry entens-je en ceste ruës,  
en bonne da maistre, nous n'en sçauons rien, nos  
oreilles n'en sçauent non plus que les vostres. Hé!  
d'où vient donc ceste nouueauté, venuë en vne  
nuict comme vn champignon encore ne dure  
il pas tant que cecy : car depuis quelque mois ie  
n'oy autre chose cajoller, bruire, & bourdonner  
qu'un M. G. qui va , qui vient, qui est mort ,  
& reuir. Bref qui faict tout & merueille : mais  
vn seul point bataille, escarmouche, & bouleuerse,  
ma fantasie, sçauoir est; quel il est, d'où il est, & où  
il faict sa demeure particuliere : ie croy qu'il n'en  
à point , & qu'il se loge à present par tout , & en  
toutes ceruelles, tant il s'est acquis de credit &  
bien-veillance en chacun : toutesfois ce qui me  
consolle, & cõtente, c'est qu'il ne sere que de rizée  
à tous, comme à moy de resueil-matin, ainsi qu'il  
à faict ce iourd'huy par la clameur de sa deffence,  
sous la faueur d'un discours faict & forgé à plai-  
sir, afin de fanir & embyairer la repuration de M.  
G. par l'esclozytion & naissance de la sienne : mais

ie m'oppose au premier chef de ses pretétions, &  
 pour rephque ie d'iray, qu'il à beau troter ou po-  
 ster auant que l'attrapper, & bien qu'à son arri-  
 uée il ayt fait détaller, & courir au grand galop,  
 Trotemenu, & du tout souillé & flestry, vous me la  
 gasté de la tant baiser. Ce n'est pas à dire pourtant  
 que son renom ( tantost en sauate ) débusque ef-  
 frontément celuy de M. G. qui se repose à l'a-  
 bry de son aage, & de ses trauaux passez, suivant  
 le dire du prouerbe, apres trauail repos, &  
 d'ailleurs comme vne cheuille chasse l'autre, &  
 comme vne vieille souche rajeunit en son surjon,  
 ou comme vn Phoenix se r'anime en sa cendre: ie  
 r'auueray la foible vigueur de M. G. & luy  
 feray voir clairement, & entendre aysement, s'il  
 ne contre-faict le four des yeux, & l'aneugle des  
 oreilles, que le saye de M. G. à plus eu de bon  
 racueil, & de bonadiez en tous lieux, que n'aura  
 iamais son parement Esopien, fait en forme de  
 bissac, ou besasse, resmoings les beaux petits co-  
 libets & couplets à la douzaine que ces rimeurs  
 à la grosse, font de luy sans repos à tout propos.  
 Or puis que ie ne le cognois, non plus que les  
 autres, & qu'il ne sert à ce que i'entends que de  
 concert & passe-temps aux petits musiciens à sim-  
 ple notte, ie veux toutesfois parler à luy par escrit,  
 ne le pouuant autrement ( puis qu'il est inuisible  
 ou incognu, & luy faire paroistre & cognoistre  
 avec equité & verité que mes paroles sont suiui-  
 es d'effets, & que ma prose rimée verifie mon  
 dire: & comme vn fils de pescheur, que ie tiens  
 cela de ligne, & qui plus est, que ie suis en ce cas



tous-jours Maistre Guillaume, qu'aucun ne doit iustement porter le sayon que moy: & que tant que ie viuray, tousiours ie seray mon baston de vieillesse: qu'on se garde donc de trop pres m'approcher, pour le contraire me reprocher, pource que ie pourrois battre celuy qui debattre me voudroict ce droict: Hé! qui nous a amené ce gallefretier? ce goffretier? & croquelardon de Gueridon, & ce lacquemard que l'on represente s'y habille & braguard en ce beau discours fantasian-té & apostépour faire fendre les mousches, & voltiger les pierres de tire? & pour resueiller gradymars, & ses sujets, & autres qui sont tous à hurris ( pour parler en bon Gascon ) des mutations & reuolutiōs des planets ou planettes, & astres de ceste année, qui ne doiuent estre non plus estonnantes que les precedentes, sinon que les heratiques font leur mention & fonction des corps inferieurs qui se veulent trop esleuer en science, sans cognoissance des vers suiuians: qui disent que:

*Dieu seul à la prescience,  
De cognoistre l'aduenir:  
L'ho nme est plein d'inspience,  
Qui pretend y paruenir.*

Les vrayes predictions, ou plustost reuolutions n'appartiennent qu'aux vrayz Prophetes, & amis de Dieu, comme l'escriture sainte l'en seigne, & nō d'autre maniere, n'en desplaise aux cēturies de Nostra-damus, quine sōt apparues qu'apres la des-plorable Ecclipse de nostre admirable Soleil Gaulois, qui rauiuoit si doucement & pacifiquement

les corps de nostre horison. Et c'est grád cas (comme disent les bons drolles) que la plus grand part de ses scientifiques ne deuinent les festes qu'après estre passées, & n'enfâtent la conception de leur pronostiques qu'au foyer, & à l'âtre, ou à l'ombre d'une bouteille. Qui peut sçauoir le futur ou qui peut crocheter la serrure du secret cabinet de Dieu? (pardonnez à ma Satyre s'y elle parle si priuement) les Anges les plus subtils qui le ioignent ne le peuuent seulement, quoy qu'ils soyent au dessus des astres dont luy seul est le conducteur, & qui seul les sçait aduancer & retarder; comme sa parole le desmonstre dans les pages sacrées, & ce pendant vn Droguemar, vn soy disant ou pretendant l'unique en speculation Astronomique, veut s'efforcer par ses pronostiquations fantastiques, & par l'espouuantatiō de ses chimeres imaginations troubler la feste du bō pere Baccus, & des iours carresme prenētalemēt festinez d'an; en an. Il ne suffit pas si le sieur mardy gras fut dernieremēt assez triste & marrissonné de l'espouuâteuse alarme qu'on donna lors à tous ses officiers & subjects, qui ne fut causée que pour les reserrer en leur deuoir mesnagerement; & de ne tout boire en vn iour, pour euitier vne vineuse disette. Que ne disent ils, & declarent, ou descriuent purement & simplement, ce qui se touche & voit au doit, & à l'œil tant seulement, sans vouloir atteindre & grimper à l'innaccessibilité de ces impenetrables lieux, par des pensées aueugles & estupides. Ils en feroient bien à croire au petit peuple, qui ne sçait qu'un peu lire, & aux simple creatures qui ne sçavent que simplement la lecture, ou un peu plus

que le noir, le rouge, & le blanc, ou le claiet gor-  
giquement, ceux qui ont mediocrement leu, &  
suffisamment retenu (sans mettre les doctes en li-  
gne de compte) s'arrestent communement au  
dire de ces vers.

*On croy plus tost ce que l'on voit,*

*Que non pas ce que l'on conçoit :*

*D'ailleurs le trop de sçauoir tue,*

*Et d'Aigle nous trans-forme en grue.*

Qu'ils traueillēt dōc en leur art n'ayuemēt & dis-  
cretēmēt, & que tels sçauans ou ceux qui le cuidēt  
estre, ne facent point vne methamorphose de leur  
maison en vne cage de pierre, d'oū l'on ne sort  
souuent de neuf ou dix ans : ou disant ceste chan-  
son, à Dieu brigade pour jamais : ou que sortant de  
leur estude, ils ne rentrent en vn l'abirynth cruel  
frustrez du secours & credit du fillet d'Ariadne.  
Si ces beaux astrologues vouloiet, ils diroient bien  
autrement qu'ils n'escruient, tesmoing vn certain  
auteur moderne & estranger qui dict dans cer-  
tains escrits qu'il a faict sur la perte du temps & le  
regret des estudes qu'il a faict en ceste trompeuse  
science (qui raut les esprits enyurez de telle cu-  
riosité, iusques au Ciel de la Lune, pour la courti-  
ser de près, & en retirer des faueurs & courtoisies  
tout autres que celles du berger Latinien) n'en a-  
uoir recueilly, pour recompense qu'un triste des-  
plaisir, & vn travail sans fruct, & la raison est  
(comme ie croy) pour ce qu'il y procedoit plus par  
nature que par artifice : & quand mesme il y eust  
operé autrement & obscurément, encore n'eust il  
peu paruenir à la parfaite cognoissance des succez



futurs, & secrets incognus qui doiuent aduenir, d'autant que ces petits Naigres qui habitent en la regiō cētrique & autres lieux d'entre nous, & les Antipodes, en ignorent la notion & le pouuoir de le sçauoir, voire encore plus que les hommes qui par le ministere des Anges (vrais nonces du tout Puissant) en peuuent auoir l'intelligence, comme il aduint au bon Ioseph; Espoux de la Vierge, entēds qu'ils soient dignes de telles graces. Car ces Etiopiens & Moreaux sousterrains ne peuuent cognoistre ce qui doit arriuer ny en iuger assurément, sinon par ce qu'ils voyent & cognoissent se preparer & commencer: mais auant l'accomplissement de la chose. Ne peut-il pas aduenir du diuertissement ou changement, comme le Prophete Ionas (tesmoing Irecusable) nous l'assure en la retention de la subuersion de Niuiues, & aussi plusieurs autres exemples qui pourroient seruir à ce propos: mais vne bonne & valable suffir, & n'estoit qu'il n'est pas loisible & seant aux petits & estroits de parler haudemēt & largement, ie m'estendrois d'auantage sur ceste matiere pour faire voir la claire nudité d'un sujet couuert de tant d'obscures piperies pour estonner les peureux & craintifs, qui par vne forte apprehension tombent plustost en maladie, & delà au cercueil, que par la cause maligne de leur influence, & d'une rigueur Astreuse. Et d'auantage si mon insuffisance ne m'empeschoit de parler ouuertement, ie dirois sans ambition avec monsieur Desportes, ie voudrois estre Roy pour faire vne ordonnance que chacun d'eust la nuict au logis se tenir, sans s'amuser à contempler



pler les astres pour n'y rien apprendre que des sottis-  
nettes, & n'en raconter que des comptes de vieil-  
les pour seruir de pâuot, & d'endormy à ceux qui  
ne peuuent sommeiller, ouïy : mais ( me dira quel-  
que hupé d'entr'eux à la barbe allongee, & à la  
moustache excessive ) il faut que nous predi-  
sions, & nous faut predire, puis qu'on nous de-  
mande des predictions, ou bien nos Almanachs, de-  
meureront sans debit, & par consequent nos la-  
beurs sans profit & nos trauaux sans loyer. A cela  
ie rediray ( comme le supost de ce beau Gueridon,  
qui ne guery rien ) que toute peine requiert salaire,  
& qu'il faut que chacun viuë de son travail pour-  
ueu que le labeur soit bon, receuable & vtile, libre  
& franc de toute falcité fraude & desguisement,  
& qu'on y voye clair à minuiet comme à midy, &  
non pas faire comme ce bel astronomeur qui  
pour acquerir vne longue renommée ne gaigna  
qu'une courte vie : car ayant Philosophé sur l'Ho-  
roscope, & constellation de la naissance d'un cer-  
tain Roy, & l'auoir aduertiy autant estourdiment  
qu'ignoramment de sa breue, & prompte mort, le  
mesme Roy luy demandant l'Estât, & durée de sa  
vie: luy dict estre bien esloignée de son terme alors  
pour luy monstrier appertement sa temerité &  
mensonge, il le fit ( tout soudain ) mettre au cro-  
chet de peur des chats, ou l'entoya faire ( comme  
on dict ) le basteur en ce pays, d'où nul n'en re-  
uient botté: Ainsi peut on voir comme il en prend  
à ceux qui en pareille occasion se veulent farcir de  
gloire trop audacieusement : mais s'ils estoient au-  
cunement prudents & aduisez, ils auroient esgardé

à la mal-heureuse cheute d'Icare, qui voulut voler trop outrecuidément, afin qu'au modelle, & patron de son dommage, ils se rendissent sages comme ces vers cy-dessous chantent.

*Icare causa sa ruine,*

*Pour sa grande temerité*

*Aussi fait l'ame qui s'obstine,*

*En trop de curiosité.*

Je leur conseillerois plustost de se maintenir en l'estat moyen comme dit le sieur de Pybrac, & non chercher l'extreme; & se tenir à recoy aux plages tempérées, sans vouloir aspirer & monter temerairement aux torides & ardantes, volvez pour ne risquer quelque danger sinistre, ou arrest sans appel: mais il faut des almanachs, (me repliqueront ils) qui disent quelque chose de relevé, d'estranges & extraordinaire: puis que cela donne lustre à nostre credit, & autorise la vante de nos predictions. C'est à ceste fauce qu'on mange ce poisson. Je m'en doute & le croy aussi: mais le le menu peuple en à il à faire (ce dirai-je) & leur est il profitable & avantageux de sçavoir tant de menasses constellatiues, qui n'engendrent à la fin qu'un regret de les auoir venës & leuës, par l'effroy qu'ils en ressentent, encor que le plus souuent rien de tout cela n'arriue (Dieu mercy) & ont mesme aussi peur de lire & entendre tant de mots sauages & barbares à leur cōmun patois cōme sont les cy apres, sçavoir est Trigones, Exagones, & Stetragones Radiations, Centriques, Consentriques, & Exantriques, Quadrat, & Diametral, Zenit & Nadir, Zones, & Plages, Horoscope, Finiteur Hori-

son Hemisphere, Cōstellation, Planettes, Influences,  
 & beaucoup d'autres qui tous en blot les font  
 tressaillir & palir d'apprehension sur le doute qu'ils  
 ont que ce soyent mots tirez d'un grimoire, ou de  
 quelque autre liure propre à exconniuer & con-  
 iurer: aussi achètent ils plus d'almanachs en fueil-  
 le simples & intelligibles, que non pas en liures  
 pleins d'espouvétaux discours. Les doctes aussi, ne  
 s'en soucient gueres, pource qu'ils sçauent cela sur  
 le doit comme vn apprenty de mulique sa game:  
 à quoy seruent donc tant de mots obscurs, & tant  
 de parolles estrangers, & sans vſage, en termes fa-  
 miliers; il vaut mieux lire ce qui sert, & s'entend,  
 que ce qui est sans profit, plaisir, ny intelligence:  
 pensent-ils, ou croient-ils me surmonter, exceler  
 & superlatifer en mots nouueaux, & par leurs pa-  
 roles barbaresques ou antipodesques? Ceux cy ne  
 vallent ils pas bien les leurs, & pour parler à plaine  
 gueulle, & mardigratalement, bachiquantalement  
 carefmeprenantalement, gorgifiqualement, bibe-  
 ronalement, drolifiquement, gaillardotement, rail-  
 lardeusemēt, gaudiceusement, plaisanteusement,  
 & guillaumeusement. Hé! bien ne sont ce pas la  
 mots à mordre, & à rire, & pleurer de ioye & de  
 contentement au lieu de trébler en les pronōçant  
 comme des precedants? hô! que cy est hô! que cy  
 faict, & de faict ie m'en rapporte à M. Pierre Du-  
 puis, qui ne s'est iamais pleu aux estudes, & scien-  
 ces si hautes que sont les Astronomiques, Sphéri-  
 ques, & Speculatiues, sinō en peinture seulement,  
 comme ie le vis dernièrement en la boutique d'un  
 peintre représenté vis à vis vn instrument de c'est



art, qu'il ne d'aignoit regarder fixement tant l'environnage, & entre bouclage de ces cercles (passants, repassants & trauersans l'un dans l'autre, ou enuiron de ce que ie dis) l'estonnoient, esbahissoient, effarouchoient & desgoustoient d'y entendre & d'apprendre tant de tours, de destours, & sentiers elgarez qu'il y faut obseruer, ny de scauoir que c'est de prime, seconde, tierce, quarte & quinte (si ce n'est de la sienne sans plus) ny mesmemēt de minutes, ou grosses, renuoyant cela aux clers de Notaires, qui liberalement, & par amourettes (sans prendre leur droict) ayment mieux grossoyer quelque compromis, conuenant ou quelque obligation de l'un portant l'autre, & quelque fois le bail ou bas seruice de leur bedondones chambrieres : aussi n'est-il que de s'amuser apratiquer la cognoissance des corps terrestres plustost que des celestes, pour le plaisir & passe-temps qu'il y a aux vns plus qu'aux autres. Sauf le mesprend qu'il faut faire pour euitier les frais de l'opérateur en la multiplication du petit monde, & d'estre en la cōfrairie du pot au lait, sous la qualité de papa : mais il me semble que mon Astrologie arguē & contemple le train & l'esquart de mon chemin, & qu'il me veut faire rentrer en mes brisées sur les almenassans seulement, & qu'il faict bon aduertir les hommes de se tenir sur leurs gardes contre la menasse de toutes sortes de maladies, & plusieurs autres, afin de les euitier. Voylā qui est bon, si faire ce pouuoit : mais parfois le meilleur mesnage de sancté est souuent plus malade que celuy qui vit rondement, & suiuant le cours du

temps. A quoy sert dōc ceste preuoyance d'acquies-  
 cer ce thresor de sancté, puis que les plus riches y  
 sont autant ou plus sujets que les pauvres, & les  
 fors que les foibles, & les plus couuerts que les  
 plus nuds: il n'y a que le Iouial, gaillard & ioyeux  
 qui se porte le mieux, n'eust-il que cinq sols en  
 bourse, s'il s'aime plus en ceste humeur & s'y plaist  
 d'auantage, que l'auaricieux à mirer ses blonds  
 doublons, ses Iacobus, & ses escus, & voyons ce  
 qu'en disent ces vers, & s'ils confirment la pro-  
 se.

*Le simple & gaillard Mercenaire,  
 Qui vit de son petit salaire,  
 Est bien mille fois plus heureux,  
 En c'est estat que n'est le riche,  
 Qui plus à, plus est triste & chiche,  
 Tant d'auoir il est desireux.*

Halte m'a plume arrestez vous vn peu, ie croy  
 que i'entends mon Spheriqueux, qui me groigne  
 de trop souuent faire largue en ma route: & qu'à  
 tous coups ie tourne la truye au foin, & saute du  
 coq à l'asne: Il est vray, & plus communement que  
 du liect à la table, si ce n'est pour escrire ou lire: Pa-  
 tience vn petit (s'il vous plaist,) si ie jouë aux propos  
 interrompus la mode du temps s'y accorde, & m'y  
 porte: car au temps faut s'accommoder, vous  
 auez raison maistre Guillaume (ce l'entends je  
 dire) mais il n'est donc rien de plus precieux  
 que la sancté, ny de plus cher, que la bonne dispo-  
 sition: puis qu'indifferēment chacun la carresse &  
 courrīse, & partant il est besoing & necessaire  
 d'aduertir toutes personnes de plustost preuenir, &

repousser le mal que l'attendre & recevoir. Je vous escoute , & semble qu'ayez vn peu de raison , & que diètes mieux qu'une fluste , & si n'estes pas si trouë : mais qui le sçait ou peu faire & adiouteraussi ( comme dict la mesme verité ) vne cou-dée à sa stature, ne faut il pas que chacun porte sa Croix , puis que chacun a chaque iour quelque affliction , & qu'en general tout en à en proportion , & en quelque sorte que ce soit, fust-on plongé ius-qu'à la gorge dans les plus douces voluptez. Les grands, mesmes ont tousiours de grandes affaires, & par consequent de grandifiques tintonnemens & importunantifiques pensemens, sans les aguets & espies qu'ils encourent iournellement tant la charge royale est aigre , quoy qu'enuiée plus à tort qu'à droict: mais ceux qui veulent y paruenir sans se soucier comment , ny par quel moyen , doiuent considerer en tel cas que par la porte qu'on y entre, par la mesme on en sort ordinairement hors de-là , il vaut bien mieux estre bon & paisible sou-prieux que Monarque & plein de frayeur en des-pit de leur cheuance , bonbance & magnificence voyons pareillement si ces vers auront aussi bonne grace que les autres pour leur sujet.

*Le septre ou bien le Diademe :  
Est vn honneur haut & suprême,  
A qui le tient paisiblement :  
Mais l'effroy de la creinte insigne,  
Qu'on à en ceste charge digne,  
En raiuy le contentement.*

Encore ? & ne puissiez vous cesser, Hé ! quel es-pece d'homme estes vous ? me voulez vous touf-



siours faire languir & garder le mulet, petit enguilleminé, qui comme vne anguille ne faictes que sautiller & vireuoter, quand on la veut spolier & desfrober, ie vous prie de suiure droictement le droict fil de vostre ligne droicte sans tant pantagonificantizer & biaiser vostre carriere, ie croy que vous y prenez plaisir à me faire seruir de matiere pour vous & les autres passer temptiser, ou de papier blanc pour y représenter longitudinairement & l'atitudinairement vos fantasies dianificantisees: coupez court vos dicts longs, & me depeschez, car ie suis pressé d'affaire, ie n'ay pas besoing de tant attendre, ny tarder: puis que nous n'auançons point besongne? congediez moy vn peu, pour rassoir le trouble de mon imaginatiue, & rechauffer à droict poil la chauffe de mon intellectuue chauffée de trauers? ha! ha! ho! hé! & qu'est-ce-cy? ou suis-je? comment suis-je? ou que fais-je? ie ne sçay quasi, tant mon astroligiste me berce, & en dort de ces beaux mots, ie croy qu'il veut pauotiser ou mulotiser (par son petit flageol mercuraliste) mes argufistes oricules. Ma yo vo dico, que ie ne suis pas oy, que de moy ce n'est pas ce que vous pensez, & qu'on ne prend pas de tels oyseaux que moy au pipeau. Cependant vous estes bien hasté à vous ouyr & bien eschauffé à vous voir, vous auez pourtant besoing d'estre vn peu doucement pourmené de peur des auines, ou voulez vous courir, si tost, de grace & pour vostre profit, patientez encore avec moy vn peu moins qu'un petit demy quartd'an. Non que ie desire que soyez demy cardan (pour parler par equiuoque) vous n'attein-

drez iamais au second degré de ses altieres sciences, aussi ne vous le conseillé-je pas : car il y en a tât qui ont tant barbouillé, & noircy de papier sur ce sujet que le mestier n'en vaut plus rien, par ce qu'on ne si amuse que par maniere de passe-temps pour les mots ( adormir debout ) qu'on y trouue & rencontre, & pour dire qu'ils en sçauent quelque chose tant seulement : mais de pronostiquer sur les futures aduantures & sur les euenements aduenir, retirons nostre espingle de ce ieu là, & ioiions à vn autre moins d'angereux, il vaut mieux faire des chansons de Gueridon, puis qu'on encastre les pipeurs en tels jeux dans vn bahut fabriqué par tailleurs de pierres, aussi bien que leur adherâts lesquels apres l'escarmotage, & la ruze de leurs finesses descouuertes se jettent le chat aux iambes les vns aux autres, ou bien jouient au rappeau ou a boutte hois, & d'ordinaire à l'esbahi : mais le plus souuent trop tard. Il est bien meilleur de predire pour soy & preuenir son malheur par charité raisonnable, que pronostiquer pour les autres, & les aduertir de leur affaire, & d'un garde toy trompeur & faux, afin d'attraper la piece, ou quelque renom de peu de durée : Il ne faict pas bon se frotter rudement contre l'espaule des grands, ny les penser amadoüier, ou plustost charlataner par telles charitez qui retournent tousiours à la confusiõ de tels operateurs L'accointance des grands est souuentesfois (en telles occurences) plus onereuse qu'aduantageuse, & comme disent les doctes, les grands ressemblēt aux bissons ardans de tous costez, on ne sçait par quel bout

les

les prèdre pour en pratiquer le credit & suport, tât leur faueur est douteuse: en cas d'importance, & particulièrement, sur ce qui touche le point de leurs vie, & l'heure de leur mort, que Dieu seul cognoist, & de tous sans exception. Passons outre, & ne nous arrestons point à ce point, ie vay vous expedier promptement, pour donner à vostre impatience quelque soulagement, ie n'ay plus que deux ou trois voyes de paroles à vous dire, si ie ne ments de la moitié, pource que tout homme est menteur, le Royal Harpeur le chante ainsi: vous autres Messieurs, qui n'ignorez de rien, & qui sçauiez cela par cœur, vous n'avez garde de corriger ce verset là, non plus que Magnificat à Matine: car vous feriez tort à vous mesme, & à vos fonctions sujettes à ceste reigle, & à vos operations, sublimement Astronomeuses: mais beaucoup de gens sont plus mœurs par ruze & malice, que par ignorance, ou simplicité, & c'est pourquoy, la plus saine & grande partie de tous les hommes, sçauent bien ce qu'ils font, ce qu'ils doiuent faire, & ce qu'ils ne doiuent pas (note de franc arbitre) si les corps superieurs & Planetiquaire, ont puissance & comandement sur les inferieurs, il ne s'ensuit pas qu'ils dominant & fassent leur demeure ordinaire (avec tout pouuoir) au domicile de l'esprit, & dans l'estuit de l'intellectiue, pour maistriser nostre volonté, & estre cause de nos follies ou discretions, & de nos bien faicts ou malefices, il y auroit de l'erreur en telle computatiō, & en ce cas, les Heresiarkes seroient tous Astrologues: mais les vraye Chrestiens n'aloüront pas cest article là, ils



ont trop de bonnes preuues & raisons pour la con-  
 tester, & trop de bons & suffisans tesmoings ( tant  
 naturels que Theologiste) pour l'aneantir, & com-  
 bien que les premiers mouuemens ne soient quasi  
 point en nostre puissance, cela procede plustost  
 d'une mauuaise habitude que d'une spirituelle sub-  
 jectiō, & qu'ainsi ne soit, n'e voit on pas qui ayāt  
 mené vne vie desreiglée, & desbauchée en tout,  
 en font souuent apres vne toute contraire, il est  
 bien vray que le sang & les sens estans esmeus par  
 quelque outragē receu, taschent de si opposer le  
 plus qu'ils peuuent : mais telles actions ou ressen-  
 timens s'entent plustost la brute que l'animal rai-  
 sonnable : ou l'homme vertueux, qui est imbu  
 d'un esprit, qui sçait dicerner le bien d'entre le  
 mal, & l'equité d'avec l'iniustice : aussi la gloire, &  
 magnanimité d'un grand, consiste plus à pardon-  
 ner, se pouuant venger, qu'a nuire & offencer, le  
 d'eust-il, & ayant pouuoir de le faire : mais bien  
 souuent le torrent de la iustice ( par sa rapidité &  
 violence entraine avec soy le d'on de grace, & de  
 misericorde, quand les officiers d'icelle sont saisis  
 d'une affaire qui importe expressement, & qui tou-  
 che l'int erest particuliere de celuy qui gouuerne  
 le general, comme de la personne des Roys, &  
 Souuerains, tout de mesme en est-il ( pour parler  
 en Astronomie, & qu'a eux nous parlons en ce  
 qu'ils s'emancipent au delà l'estenduë de leur in-  
 telligence, & veuë autrement non ) de l'effect du  
 premier mobille, qui par l'effort, & mouuoir de  
 son branlle n'eust, & emporte tous les autres, aussi  
 la iustice est le Bras droict du Roy, la conseruation

de son Estat, le Pàuois, & Bouclier de son Sceptre, la tutrice, & manutétion de la Paix; la crainte & terreur des mauuais, la ioye & suport des bons, & bref, la cause du repos d'un chacun; hormis de ceux qui comme certains Poissons ne s'aiment qu'en eau trouble, & ne veulent viure que dans le boubier de la guerre, à propos de la guerre, & des armes, traitons en un peu, & de ceux aussi qui n'afectent, hument, & succent, que l'air des assaux, alarmes, turies, & occisions, sans faire recit des violence, forcement, pillages, fourages, & brigandages, qui s'exercent en ces Balets Marciaux, & d'ances Bèlonniques, ou d'ordinaire, y a plus de desordre, & decadence que de mesure bien gardée, faute de bien iouer son personnage, & tenir son rang prudemment: Mais quoy! tout est fauteur aussi bien que menteur, & d'ailleurs Dieu donne la victoire selon le merite, & enuoye la guerre selon l'offence, comme le dict autant veritablement que doctement ce braue Capitaine Anglois, lors que luy & ses Patriotes, furent chassés par le sort de la guerre de France en Angleterre, sous le regne du Roy Charles VII. d'heureuse memoire. Viue donc la Paix; de par Dieu, & ne puissions nous iamais voir les armes, qu'au ratellier, ny nous en seruir que pour parade, les maniere que pour les d'esfroüiller. Ne tirer coup d'Harquebuse qu'au Gibier, & à la Venaison, ou aux Bustes sans plus, & quiconque les ayme pour troubler les nopces de la Paix, ainsi que ceste diablelle discorde fit celle de la ieune Thetis, apprene, & retienne ces vers.

*La guerre est si mal-l'heureuse,*

*Si cruelle, aspre, & affrueuse,  
 Qu'il n'est plus pire tourment:  
 Le feu la flamme, & l'outrage,  
 Le sang, l'horreur, & la rage,  
 Si voyent communément.*

Ce sont bien d'autres festes que celles de villages, & d'autres liurées que bleues, vertes, ou orangees, les couleurs en sont d'ordinaire rouges, & incarnades, & plus naturelles qu'artificielles. Mais ie pense ouyr'encor mon Astronomiste grommeler, & me presser d'affaire & d'expeditiō. Hè! comment, Maistre Guillaume, voulez vous plutost me laisser de vous entendre, que vous ennuyer de discourir? ie croy que vous en auez tantost assez dit, pour accōplir vostre promesse, sans tant me tenir le bec en l'eau, vous faictes en vostre ascendant des retrogrades trop excessiues, puis qu'au lieu d'auancer d'un degré vous en descendez quatre, & prenez plaisir extrêmement, à faire des parentezes, grādissimemēt periodees: minutiez donc vn peu vostre conclusion, ou me dōnez quelque trēue, pour mettre ordre à mes affaires, car vous m'esinouuez aucunement: & ne scay si Demosthene, & vous n'est qu'un, & vne mesme chose; ou environ, tant vous m'esbranlez à vous croire parvos suasions, quasi persuasiues, & oserois dire de vous (sans flatterie) ce quatrain:

*Ie suis ores ambitieux  
 Que ie n'ay autant d'oreilles  
 Comme vn Argus auoit d'yeux,  
 Pour entendre vos merueilles,*

Gardez de vous troubler, M. & aduisez à ce que vous dictes, ie croy que vostre Astronomuse, ele-



gance, & vostre Apollon Astrologant, prend logis maintenant en la loge Mercuriale, tant vostre eloquence, & vostre Muse est fluide, emphasique, & periphrasique : Mais ie crains que vos charitez l'éuangeliqueuses soient autant piponiques qu'apoloniques, & saupoudrees d'adulateuses, & amadoneuses courtoisies, pour arrester le cours de ma plume, & le fil de mon dessein: afin d'espargner la verité, vous contantant de ce que j'ay dit, sans m'elargir d'auantage. Bien donc, puis que vostre desir suplicatif tend à cela, ie ne veux pas esconduire vostre mandiage : vous scauez demander trop gracieusement, pour estre refusé ingratement : ie m'en vay abreger seruice par quatre ou cinq pipes de mots : cependant s'il vous ennuye, amusez vous à chanter ou dormir, pour vaincre l'oisiuereté ; autrice de tous vices, ou bien composez quelque Almanach à simple forme, franc & libre de toutes ses friuolles prediCTIONS, qui indisposent les plus sains; malgré la faueur de leur Horoscope, & opposition Planetiqueuse ; comme ie l'ay veu & cogneu depuis peu, clairement & palpablement, en autrui seulement, & non en moy; graces à Dieu; qui n'ay peur (comme vray François) fors que de la cheute du Ciel; au rapport d'un ancien & genereux Francisquin, confirmant le dire de ceux qui disoient & disent, que la Gaule, n'est desbellée & ruynée que par elle mesme, marque de son inuincibilité par d'autre: mais il faut vn peu redresser mes erres, & descroüier mon homme que ie tiens en la capture de mon diseours, trop long & trop aigre au gosier de ses oreilles, iugeant

à levoir qu'il est de l'humeur de ces personnes qui n'ayment l'eloquente ambrosie qu'apres que le moule de leur pourpoint est rond & bien rembourré. Sus donc, acheuons ceste trace, & en cōmençons d'autres, en cōtant quelques nouvelles nouueutez gaillardifques, pour faire creuer de rire, & mourir de faim, si on ne disne deuant; comme disent les enfans sans soucy, puisque aussi bien cent liures de soucy ne vallēt pas vne once de saf-fran: & qu'une gibeciere pleine d'ennuy n'acquitte pas vn double de debte. En fin donc (mon M. Astré) puis donc que vous estes à demy esmeu, & quasi porté à quitter vos anciens desseins; & alrudinifques sciences, ie vous conseille entierement de les delaisser du tout, & ne point faire vostre estude en si haut lieu, ny mesmes d'empestrer les cordes de vos prentensions dans l'entre-lasseure de ces cercles celiques, de peur de ny pouuoir toucher, ny d'en attirer quelque lucre ou parfaicte commodité: & comme vous sçauiez, il y a deux festes infailibles en la semaine, qu'il faut festiner gorgiallement, & qui n'a dequoy faire, le moyen de rire, le ris est bon, mais faut qu'il ayt de la cōpagnie pour estre agreable & bien receu: & encor que la quadragesime nous talonne ou plutoſt coſtoye, & que le ris jaulne comme farine y soit de requeste, le Careſme ne dure pas tousiours, apres la vigile la feste suit, ainsi que le Dimanche, & le Samedy, & comme disent les bons goulus, la chair nourry la chair: on a beau manger du ris, il ne rend pas le museau si frais seul, que quand il est assisté d'un bon gros & gras chapon du Mans, ou

de Loudun. C'est pourquoy M. & amy, tantost ie desire pour vostre bien & profit; cōme le mien propre ( puis que le deuoir de charité naturelle & humaine, oblige, vn chacun de s'entre-conseiller & soulager l'vn l'autre, tant en genre masculin que feminin) que vous quittiez tout a fait toutes ces prediCTIONS imaginationnées, toutes ces cognoissances, & opperations planeticulees, comme solique, lunatique, Mercurisque, Impitique, Venerique, & sur tout le Saturnique, pource qu'elle est plus longue que tous les autres à faire l'integrité de son cours rechignard, dans les Cieux cerueliques, suiuant le rapport de ces refuseurs auteurs de l'antiquailleré: & mesmement que vous laissez aussi generalement la nation des effects & gouuernemens significaux, ou signifiens sans sergens ny records: De ces signes conceus & enfantez dans le chaton du coffre de ces anciennes ceruelles, & donnez vous garde d'eslire vostre demeure es domiciles de ceux-cy; particulièrement comme du verseur d'eau, prenez plustost celuy du vin, du Lyon pour sa fureur, & fierté: du Thauréau à cause de sa corne: du Cancre, à cause de sa cuisante morsure: du Scorpion, à cause de sa piqueure, du Sagitaire, à cause de ses traicts: des Gemeaux, à cause qu'ils sont deux, & partant plus fors qu'un: Pour le Mouton, & les Poissons; mais que tout soit bien cuit, rosty ou bouilly, il y aura moyen de s'accommoder avec eux, & d'en tirer du profit gorgial. Quand est de la Vierge, gardez de la gaster, ny d'effleurer, sur peine de violence, en cas de refus & contredit: & d'estre surhauslé



d'une toise ou environ, pour voir de plus loing, & faire la mouë à chacun, nonobstant tous appeaux quelscōques: Et pour la Balance, gouvernez-vous y tousiours de mesure, loyaument & fidèlement comme vn bon marchand sans reproche, & sans auarice: sur peine spirituelle: à faute de ce faire; pource que telle offence est incogneuë au temporel, & sur ce fait, faisons chanter à nostre Muse quelque coupler.

*L'offence qui de tous est veuë,  
Ou par bon t̃tesmoignage sceuë,  
Est chastiee appertement:  
Mais celle qui du tout est tue  
Et recellée, ou incogneuë  
Est punie inuisiblement.*

Hé! M. Guillaume, pensez à vostre promesse & à la teneur aussi, afin qu'à faute de ce, & que frustré d'icelle, vous ne commettiez vne offence qui vous ourdisse vne punition conforme, ou semblable à vostre dicton: Il ne faut pas reprendre pour faillir, ny accuser pour abuser: Je vous somme donc de vostre parolle de nagiëre, par laquelle m'avez promis de vider d'affaire, & de me faire dire en bref à Dieu, M. iusqu'au reuoir. Et cependant vos paroles, sont sans execution, & vos effects sans demonstration: N'estoit que i'attens la prononciation de vostre sentence; sans faire vn si long plaidoyé, ie vous eusse planté là pour reuerdir, & vous eusse quité là, aussi bien que ie veux faire mes pronostications, s'ils ne me veullēt pronostiquer quelque bonne fortune, soit d'un Estat de gentilhomme de 9. ou 10000. li. de rente ou de quelque

quelque benefice d'autant ou enuiron, mais i'en  
desire plustost la succession & jouissance, que l'o-  
pinion où l'apparence, puis que le succès des es-  
perâces Horoscopeuses, est plus doutable que veri-  
table: Ha! da, courage, vous voila presque con-  
uert, & si la resolution suit le dire, vous le ferez  
du tout: si vous faites aussi ce que vous dîtes, biẽ  
vous en prendra, avec vn bon aduis que ie vous  
donneray (ou pour les vostres s'il m'en souuent,  
pour bastir vne bonne fortune, & sur plus d'asseu-  
rance que sur le fondement de vos influences, les-  
quelles sont toutes trompeuses & aussi incertai-  
nes que muables & tournoyantes, & n'estoit ce-  
ste variable mutabilité & mouuement inconstant,  
ie me laisserois persuader à ce q̃ ce fixain va dire:

*La belle & haute science*

*De l'astreuse prenoyance*

*Me saisi quasi le cœur,*

*Et n'estoit sa piperie*

*Qui la rend ores flestrie*

*Ie serois Astrologueur.*

Vertu-goy, M. Guillaume, vous frappez bien  
vivement pour vostre aage: vos coups touchent  
iustement, iusqu'au mitan du milieu du centre du  
cœur de l'affaire, vous ne donnez pas du plat vray-  
ment, mais de la pointe subtilement, & mesme si  
asprement que telles picqueures font perdre cou-  
rage aux plus courageux, & ardants de combattre,  
& de battre iusqu'au mourir, la deffence de ceste  
hautaine science: mais de par Dieu enuoyez moy,  
& pour ma foire, ou estrennes, donnez moy d'un  
alloyau à des-jeuné, ou d'un allezvous en, c'est fait

vous estes traicté, pensé, fiotté, & estrillé, & n'auez plus que faire icy, vostre procez est vuidé, & sans despens departi & d'autre, fors ce que l'on aura frayé & desbourcé, pour la poursuite & contestation de la vie, & delà viotte qui se payeront par moitié attendu la matiere, & la cause du cas: ou bien que iaille tenir compagnie à Gueridon, en ses beaux petits voyages. C'est bien dict ie le veux, c'est la raison, ie l'entends ainsi, & vous l'accorde aussi cordialemēt, amiablement, & affectionnemēt: ie vay rēdre les derniers aboys du trespas de ce differend, & en former d'autres, d'autres stoffe: car le changemēt dōne contentemēt. Est-ce pas bien dict? ouï, faictes-le donc, & à despescher, soyez prompt, la trop longue attention faict perdre l'affection, de chose trel-desirée, comme ceste-cy est de moy: hastéz vous donc, ie vous en répie de rechef, & d'abondant sans continuer vos exploits, & proluxtes procez verbaux de l'art Horoscopante. Cà i'y vais, celà vaur faict, me voylà ja sur les bornes l'imate ou liziere de la piece: au bout de l'aune faut le drap: mais ie ne puis presque trouuer la fin de ceste-cy, n'y trouuant que des circonferences infinies, qui ne font que tourner sans cesse, tant ie me suis endedälé, & quasi elgaré dans ce l'abirynthe Astrologifique, si en faut il sortir. Puis que ie suis si pres de l'issüē? A quoy tient il donc que vous ne vous diligentiez d'auantage, sans me faire icy decrepiter, aux escoutes de vostre definition, & de ce qu'il faut que ie face pour ramasser quelque chappe cheutte, ou attrapper quelque lieure gouteux, en iouiant aux barres, ou



à la crosse, pèdant ceste queuë Hiuernalle? Or sus, ou or çà, n'importe l'un vaut bië l'autre; me voylà tout prest pour contenter vostre souhair, quel est-il? quel il est, estes vous encore sur ces demandes là, ce n'est pas pour acheuer que commencer? Ha! Monsieur, ie m'en souuient: mais l'aissez moy vn peu prendre halaine, & le droict chemin de mes intentions, ie n'ay plus que deux ou trois silabes à dire, entremeslées de mots succins ou enuirõ. C'est que ie vous veux aduertir, de ne point quitter la piste des licites estudes & honnestes sciences: mais de l'aisser ce qui est superflus pipeur, & preiudiciable pour soy, & pour autry. Et plustost entreprendre & poursuiure ce qui est bon & vtile, loüable & profitable. Et si on ne peut moudre en vn Moulin, qu'on voise en l'autre: car tous les hommes ne sont pas de l'Isle de Ruac, ou l'on ne vit que de vent, portant tousiours forces soufflets, à la saintures, comme on faiët des escarcelles en ce pays icy: mais le François pour parler sainement, veut fripper la miette, & briffer à souhair quelque temps qu'il face, ou bien, il ne dit ou ne fait rien qui vaille, & n'a non plus d'effect qu'un Balon desenflié: Mais est-il plein comme vne Vese sonnante? il n'est rien de pareil? Hé quoy tousiours & sans cesse vous vous mocquerez de moy, ie m'en vay donc vous dire à Dieu, & prendre moy mesme cõgé, puis que vous ne daignez me l'octroyer? Hé M. G. pour l'amour de ce que vous aymez, ou en d'espit de ce que vous hayssiez, donnez trêue ou Paix à la guerre que vous me faiëtes: ie vous liuré la carte blanche, & me submets à tous ou

grand partie de ce que vous voudrez, pourueu que ie sorte soudainement de vos mains, vie, & bagues sauues? Allez ie vous le promets, pourueu, que me promettiez qu'a l'aduenir, Et aussi des a present, comme pour lors, & des lors, comme des a present, vous ne feréz, ny cōposerez, ou faire imprimer, ny composer Almanach quelcōque rēply de prediCTIONS controuuee, & de Centuries apostees, pour effrayer les peureux, & attrapper argent comme trompeurs: Mais trop bien de pure & simple Calendriers pour le seruice du public, sans piperie aucune. Or pour l'intelligence de l'Epacte, qui est de cognoistre les Lunaisons, tous la sçauent quasi, particulierement les hommes fussent ils illettrez, & ce, par les reuolutions & mutations ordinaires & iournalieres qu'ils voyent & cognoissent chez eux en leur Spheres coiffées & attiffées. La Lune estant presque tousiours au domicile de leur maison, & plus en sa plenitude qu'en son croissant, ou declin, qui ne le sçait est ignorant, & qui ne le voit, est du nombre des trois cent, tant la chose est euidente & coustumieres en tous ou plusieurs lieux, touchant la lettre Dominicale. Qui est ce qu'ils ignore? les plus moindres & sans sçauoir, la sçauent autāt ou plus que les plus adroits en lecture, principalement pourceque c'est la vuëille du Dimanche, le dernier iour maigré de la semaine, & l'vne des deux festes, coustumierement celebree en icelle, & particulierement du mince Peuple: En ce qui est du nombre d'or, & la cognoissance de ceste reigle, ie ny puis auenir encor. C'est vn Os si haut, que ie ne le sçauois pren

dre pour le mordre & ronger. Mais ce qui me reconforte, c'est que ie ne suis pas seul. Et combien que i'aye estudié aucunement, & a'lez de temps en la science Euclidique. Et que mes computations comptees & calculs soient tousiours en erreur; Il y en a bien d'autres, qui y sont empeschez que moy, encor qu'il taschera de piper la calbastre, & tirer le bō bout à eux, & sans cesse adiouster soustraire, multiplier, & partir; Voire tailler, & roigner mon Oye, ou mon Iars, de peur que i'aye des plumes pour me faire vn bonnet tampionnambousien, le ne m'en soucie pas, n'y mesme quand ils souffleroient tant qu'ils pourroient (cōme beaucoup font) dans les voilles de leurs avarices, pour entrer au minieres Indiennes, sans sortir ny perdre terre, ie sçay bien qu'au bout de leur voyage & de leur singlage (en la mer Mediterra- nees) il ne paruiendront iamais à la Ionique, pour y trouuer le vray & naturel Sablon? On ne descouure pas de la sorte la vraye terre Guineas ou Auphiri que à nauiger si aysément? leur bource y fait plus tost naufrage que leur petit vaisseau humain, aussi tel traual & labeure, st ordinairement sans profit & cuillette, & mesme la semence qu'on y met ne vient iamais à perfection, ains est tousiours sui- cte à la gresle ou gelee, & au lieu de bon bled, ne trouuent que de l'Yuroye, ou du grain corrompu & mauuais. Si bien que ceste science la, n'est non plus de mise bonne & certaine, que l'Astronomio- lique & Predictionnastique, s'en donne garde qui voudra, attendu l'interest, & grand preiudice qu'encores ceux qui si absorbent & engouffrent



par vne gloutonne & gourmande avarice : Mais quoy , chacū n'a pas à sa naissance pour ascendant (Horefcopique) la Planette de Iupiter ( comme disent nos constellateurs ) il y a plus de Luneaux, & Mercuriaux que d'autres, & de Satunins, aussi, qui ne refuent, pensent, & songent, qu'à faire vne Metamorphose de leur nature, en autre tāt ils desdaignent leur qualité, comme sont Saturne , Mars , & autres qui poussez d'enuie & d'ambition temeraire, veulent desarçonner Apolon & Diane, pour s'assoir en leur lieu , & leur faire quitter place. Mais à chacun le sien, c'est le droiēt aussi, l'incorruptible Iustice naturelle si oppose ; & veut que chacun se tienne en son estat, sans se troubler ny quereller, ny mettre en feu & en colere, pour anticiper l'un sur l'autre , Sur peine d'abus, de fraude, & d'amende exemplaire : En voyci vn iugement verifical, qui ne sera point hors de propos que ie croy.

*Celuy qui veut mal à propos  
Du prochain troubler le repas,  
Et luy raurir son heritage  
Sans raison & sans equité,  
A la fin il se voit traité  
De blasme de honte & dommage.*

Est-ce tout, tout est-il dit, ny a il plus rien, de gras ou de maigre, à present pour nous acheuer de saouller & remplir la pance, & l'orifice de nostre estomach intelligibilifique. Nous auez vous tantost assez lessiue sauōné, lauē & relauē de pied en cap? Ny a il plus que faire, à dire, & à redire pour en faire rapport aux chamb. assendentes & dessentes,

& en auoir arrest, portant toutes deffences predi-  
 ctiues, sur les peines qu'on arbitrera: ouy c'est bien  
 dit, & ce, toutesfois sans discontinuer, ny retenir  
 le cours des bonnes & louables estudes, & non  
 faire celles ou l'on apprend, ce qu'on ne peut sça-  
 uoir asseurement, vrayement, & indubitablement,  
 & aduertissez aussi le sieur Droguemar ou Drogue-  
 ames, de iargonner & ramager vn champ plus beau  
 & moins lugubre qu'il n'a fait dans son dernier li-  
 ure de Chançons, plaines d'Astronomenneries &  
 prediçionnelles refueries, & qu'il ne caquette  
 plus en Pie, ou en Margot, Et qu'il ne nous vienne  
 plus predire en Gamoriste ou Gomoriste, tant d'af-  
 freuses pauuretez & tristes calamitez, ou ( pour  
 mieux dire ) desastres fantasiez, & recherchez fol-  
 lement dans la Caze Lunaire de ses imaginations,  
 pour donner au Ris du cœur des vns, & de l'Eau  
 aux yeux des autres, & sur tout des aigriottes à  
 ceux qui notamment croient en lisant ces beaux  
 concepts faits à plaisir, pour acquerir le renom d'v-  
 nique en son sçauoir Almanachiquement hereti-  
 que. Et qu'il corrige avec ses disciples & partisans  
 l'erreur de ses comptes mal dressez & articulez, &  
 tenus en souffrance à ceste fin: Me doutant qu'en  
 la reddition d'iceux, il y aura plus de recepte à ses  
 despens que de mises vallables, & luy dites aussi  
 que le Secretaire Imperial & loyal, nous en recrit  
 bien d'autre sorte que luy, & cōbiē que ses Epheri-  
 merides soient obscures, que nous auōs Dieu mer-  
 ci de bons expositeurs, & seurs interpretes pour en  
 esclarcir les obscuritez. Et que depuis l'aduene-  
 ment du Sauueur des Chrestiens & vray croyants,

les faux & trompeurs Oracles n'ont eu n'y ne doi-  
uent auoir lieu, non plus que les abusifs aduis qui  
nous desgaillardissent tous. Et partant (pour con-  
clurre) qu'il face deormais sonner les cordes de  
son instrument Spherial, plus ioyeusement qu'il n'a  
fait, de crainte qu'on ne le face barragouyner cō-  
me vn Gasmore, ou muet, & ses Escholiers pareil-  
lement en pareille harmonie; A peine des peines  
que ie laisse à dire, & faire, & à Dieu sans vous des-  
plaire avec ses souspirs Parnassiens.

### REQUESTE A DIEV,

|                                       |  |
|---------------------------------------|--|
| <i>Dieu par sa toute puissance,</i>   | <i>J'ay regret de voir encore</i>      |
| <i>Preserue &amp; garde la France</i> | <i>Que l'Homme (en cela pecore</i>     |
| <i>De tous riste desarroy,</i>        | <i>Abusant du nom Chrestie,</i>        |
| <i>Et par sa bonté celique</i>        | <i>S'afflige, ennue, &amp; desole,</i> |
| <i>Donne vn reigne pacifique</i>      | <i>Pour la prediſtion ſole</i>         |
| <i>A nostre petit grand Roy.</i>      | <i>D'un faux Astrologien.</i>          |

F I N.